

## Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris  
Angelici Ordinis Prædicatorum**

Tertiæ Partis Volumen Secundum

**Thomas <von Aquin, Heiliger>**

**Romae, 1619**

Vtru[m] requiratur fides? 8

**urn:nbn:de:hbz:466:1-38725**

ARTIC. VIII.

Vtrum fides requiratur ex parte baptizati?

A D octauum sic proceditur. Videatur, quod fides  
enim baptismi à Christo est institutum. Sed Christus  
formam baptismi tradens, fidem baptismō p̄mittit,  
dicens Mar. vlt. Qui crediderit, & baptizatus fuerit,  
saluus erit. Ergo videtur quod nisi sit fides, non  
possit esse sacramentum baptismi.

¶ 2 Præterea, Nihil frustra in sacramentis Ec-  
clesiæ agitur. Sed secundum ritum Ecclesiæ, ille qui  
accedit ad baptismum, de fide interrogatur, cum di-  
citur, Credis in Deum patrem, &c. Ergo videtur,  
quod fides ad baptismum requiratur.

¶ 3 Præterea, Ad baptismū requiritur intentio  
fusciendi sacramentū. Sed hoc non potest esse sine  
recta fide, cum baptismus sit rectæ fidei sacramentū:  
per eū enim incorporātur homines Christo (vt Aug.<sup>8</sup>  
dicit in lib. de baptismo paruolorū) hoc autem non  
potest esse sine recta fide, secundum illud Ephes. 3.  
Habitare Christum per fidem in cordibus vestris.  
Ergo videtur, quod ille qui non habet rectam fidem,  
non possit suscipere sacramentum baptismi.

¶ 4 Præterea, Infidelitas est grauissimum pecca-  
tum, vt in 2. parte habitum est\*. Sed permanentes in  
peccato, non sunt baptizandi. Ergo etiam nec per-  
manentes in infidelitate.

S E D contra est, quod Greg. \* scribens Quirino  
Episcopo, dicit, Ab antiqua Patrum institutione,  
didicimus, vt qui apud hæresim, in Trinitatis nomi-  
ne baptizantur, cum ad sanctam Ecclesiam fedeunt  
autunctione chrismatis, aut impositione manus, aut  
sola professione fidei: ad finum matris Ecclesie re-  
uocentur. Hoc autem non esset, si recta fides esset  
de necessitate baptismi. Non ergo recta fides ex ne-  
cessitate requiritur ad susceptionem baptismi.

RE-

RESPONDEO dicendum, quod sicut ex dictis patet\*, duo efficiuntur in anima per baptismum, scilicet character, & gratia. Dupliciter ergo aliquid ex necessitate requiritur ad baptismum. Vno modo si-  
ne quo gratia haberi non potest, quæ est ultimus effectus sacramenti. Et hoc modo recta fides ex necessitate requiritur ad baptismum: quia sicut dicitur Ro-  
man. 3. Iustitia Dei est per fidem Iesu Christi. Alio modo requiritur aliquid ex necessitate ad baptismum, sine quo character baptismatis imprimi non potest. Et sic recta fides baptizati non requiritur ex necessitate ad baptismum. sicut nec recta fides baptizan-  
tis, dummodo adsint cætera, quæ sunt de necessitate sacramenti. Non enim sacramentum perficitur per iustitiam hominis dantis vel suscipientis baptismum, sed per virtutem Dei.

Ad primum ergo dicendum, quod Dominus loquitur ibi de baptismino, secundum quod perducit homines ad salutem per gratiam iustificantem. Quod quidem sine recta fide esse non potest: & ideo figura dicit, Qui crediderit & baptizatus fuerit, saluus erit.

Ad secundum dicendum, quod Ecclesia intendit homines baptizare, ut emundentur à peccato: secun-  
dum illud Iai. 27. Hic est omnis fructus, ut auferatur peccatum. Et ideo quantum est de se, non inten-  
dit dare baptismum nisi habitibus rectam fidem, sine qua non est remissio peccatorum. Et propter hoc interrogat accedentes ad baptismum, an credit. Si tamen sine recta fide aliquis baptismum suscipiat extra Ecclesiam, non percipit illud ad suam salutem. Vnde August. \* dicit, Ecclesia paradiſo comparata, indicat nobis, posse quidem baptismum eius, homi-  
nes etiam foris accipere, sed salutem beatitudinis ex-  
tra eam neminem percipere vel tenere.

Ad tertium dicendum, quod etiam non habens rectam fidem circa alios articulos, potest habere rectam fidem circa sacramentum baptismi: & ita non impe-  
ditur

*q. 63. 46  
C. q. 69.  
A. 4. et 6.*

*I. 4. de ba-  
ptis. cœtra  
Dona. in  
prin. 10. 7*

L 3 ditur

ditur, quin possit habere intentionem suscipiendi sacramentum baptismi. Si tamen etiam circa hoc sacramentum non recte sentiat, sufficit ad perceptio-  
nem sacramenti generalis intentio, qua intendit suscipere baptismum, sicut Christus instituit, & si-  
cut Ecclesia tradit.

Ad quartum dicendum, quod sicut sacramentum baptismi non est conferendum ei, qui non vult ab alijs peccatis recedere, ita etiam nec ei qui non vult infidelitatem deserere. Vterque tamen suscipit sacramentum, si ei conferatur, licet non ad salutem.

## ARTIC. IX.

Vtrum pueri sint baptizandi?

392  
4.d.4.q.

**A**D nonum sic proceditur. Videtur, quod pueri non sint baptizandi. In eo enim qui baptizatur, requiritur intentio suscipiendi sacramentum: ut supra et Mal. q. dictum est\*. Huiusmodi autem intentionem non possunt pueri habere, cum non habeant usum liberi arbitrii. Ergo videtur quod non possint suscipere sacramentum baptismi.

10 cor. et  
quo.9. et  
22. cor.

**¶** 2 Præterea, Baptismus est fidei sacramentum, ut supra dictum est†. Sed pueri non habent fidem, quæ consistit in credentium voluntate, ut August. \* 27. hu- dicit super Ioannem. Nec etiam potest dici quod sal ius ques. uentur in fide parentum: quia quandoque parentes sunt infideles, & sic magis per eorum infidelitatem dam \*q.65.a.1 \*in li de narentur. Ergo videtur quod pueri non possint baptizari.

non pro-  
sul à fin.

**¶** 3 Præterea, 1. Petr. 3. dicitur, quod homines salvos facit baptismus, non carnis depositio sordium, sed conscientiae bonæ interrogatio in Deum. Sed pueri neque conscientiam habent bonam vel malam (cum non habeant usum rationis); neque etiam convenienter ipsi interrogantur, cum non intelligant. Non ergo pueri debent baptizari.

**SED** contra est, quod Dion. \* dicit vlt. cap. eccl. hier. Diuini nostri duces, scilicet Apostoli, probauerunt infantes recipi ad baptismum.

**R E S P O N D E O** dicendum, quod sicut Apo-  
stolus